



儒門事親 四

中武 9
127
4



門中武
 第 127
 卷 4



儒門事親撮要圖卷之十

難素撮要究治

太	太初	太易	未見
	也始之氣	也氣見未	
戊胃	丁心	丙小腸	乙肝
肺	心	包絡	小腸
未濕土	午君火	巳風木	辰寒水
手少陰	手厥陰	手太陽	手陽明
太陰	陰	陽	陽
			寅相火
			卯燥金
			手少陽
			大腸
			三焦

從其氣則和

是動則病者
 氣之所感也
 天之邪感則害
 人五臟肝心脾
 肺腎實而不滿
 可下之而已也
 水穀之寒熱感則害
 人六腑膽胃三焦膀胱



識病用藥之圖

極		太始		太素	
也始之形		也始之質		也始之質	
巳脾膽	庚大腸	肝	膀胱	腎	脾
申相火	酉燥金	足陽明	戌寒水	亥風木	子厥陰
足少陽	足太陽	足厥陰	子君火	丑濕土	足少陰
足太陰	足太陰	足太陰	足太陰	足太陰	足太陰
違	其	氣	則	病	病
膀胱大腸小腸滿而	不實可吐之而已也	地之濕氣感則	害人皮肉筋脉	肌膚從外而入	可下之而已也
所生病者血	之所成也				

天此屬在天 地論 六元 位無 藏此 象圖 之添 圖之

天此屬在天	地論	六元	位無	藏此	象圖	之添	圖之
屬	大虛天面	火	金火合德	為金主清君火主熱	肺	肺	下絡大腸下絡小腸
屬中二位人	風雲萬物	火	木火合德	風木主溫	心	心	下絡膽經
屬下位地	地面黃泉	火	土火合德	火主極熱濕土主涼	絡包	絡包	卷終
屬		水	土水合德	寒水主寒	肝	肝	下絡腎
					脾	脾	旁絡膀胱
					腎	腎	
					泉	泉	

外有風寒暑濕屬天之四令無形也
內有饑飽勞逸屬天之四令有形也

一者始因氣動而內有所成者謂積聚癥瘕癰氣癭
起結核狂贅癩癧䟽口癥堅也積也瘕氣血也

二者始因氣動而外有所成者謂癰腫瘡瘍疥癬疽
痔掉瘰浮腫目赤燥瘰肘腫痛痒之類是也

三者不因氣動而病生于內者謂留飲癖食饑飽勞
損宿食霍亂悲恐喜怒想慕憂結之類是也

四者不因氣動而病生于外者謂瘴氣賊魅虫蛇蠱
毒伏尸鬼擊衝薄隊墮風寒暑濕斫射割刺之類是

也

風木鬱之病

故民病胃脘當心而痛四肢兩脇咽膈不通飲食不
下甚則耳鳴眩轉目不識人善僵仆筋骨強直而不
用卒倒而無所知也

暑火鬱之病

故民病少氣滄瘍癰腫脇肋胸背首面四肢臄臄臄
脹瘍沸嘔逆瘕瘕骨痛節疼及有動泄注下溫瘧腹
中暴痛血溢流注精液衰少目赤心痛甚則昏悶懊
惱善暴死也

濕土鬱之病

故民病心腹脹腹鳴而為數後甚則心痛脇腹嘔逆霍亂飲發注下肘腫身重脾熱之生也

燥金鬱之病

故民病欬逆心腹滿引少腹善暴痛不可反側噎乾面塵色惡金勝而木病也

寒水鬱之病

故民病寒客心痛腰椎痛大關節不利屈伸不便善厥痞堅腹滿陰乘陽故也

初之氣

自大寒至立春春分厥陰風木之位陽用事而氣微故曰少陽得甲子元頭常准以大寒交初之氣分以六周甲子以應六氣下倣一月正月二月少陽三陰三陽亦同

二之氣

春分至小滿少陰君火之位陽氣清明之間又陽明之位

三之氣

小滿至大暑少陽相火之位陽氣發萬物俱成故亦云太陽旺其脉洪大而長天氣并萬物人脉盛衰造

物造化亦同

四之氣

大暑至秋分太陰濕土之位天氣吉感夏後陰已用
事故曰太陰旺此三陰三陽與天氣標本陰陽異矣
脈緩大而長燥金旺緊細短瀦以萬物乾燥明可見
矣

五之氣

秋分至小雪陽明燥金之位氣衰陰盛故云金氣旺
其脈細而微
終之氣

小雪至大寒太陽寒分之位陰極而盡天氣所收故
曰厥陰旺厥者盡也

風木肝酸

達鍼

與膽為表裏東方木也色青外應目主治血芍藥味
酸微寒澤瀉鹹平烏梅酸熱
諸風掉眩皆屬於肝木主動治法曰達者吐也其高
者因而越之可刺大敦灸亦同

暑火心苦

發汗

與小腸為表裏南方火色外應舌主血運諸經大黃
苦寒木香苦溫黃連苦涼沒藥苦熱

諸痛痒瘡瘍皆屬於心火治法曰熱者汗之令其疎散也可刺少衝灸之亦同

濕土脾甘 奪鍼

與胃為表裏中央土也色黃應唇主肌肉應四時密甘涼甘草甘平

諸濕腫滿皆屬於脾土治法曰奪者瀉也分陰陽利水道可刺隱白灸亦同

燥金肺辛 清鍼

與大腸為表裏西方金也色白外應皮毛鼻亦行乾薑辛熱生薑辛溫薄荷辛涼

諸氣憤鬱皆屬於肺金治法曰清者清膈利小便解表可刺少商灸亦同

寒水腎鹹 折鍼

與膀胱為表裏北方水也色黑外應耳主骨髓牡蠣鹹寒水蛭鹹寒

諸寒收引皆屬於腎水治法曰折之謂抑之制其衝逆可刺涌泉灸亦同

大寒子上初之氣

初之氣為病多發欬嗽風痰風厥涎潮痺塞口喎半身不遂失音風癩風中婦人胸中留飲兩臍腹微痛

嘔逆惡心旋運驚悸狂陽心風搐搦顛掉初之氣病
宜以瓜蒂散吐之在下泄之

春分卯上二之氣

二之氣爲病多發風溫風熱經曰風傷於陽濕傷於
陰微頭痛身熱發作風溫之候風傷於衛氣也濕傷
於脾氣也是以風溫爲病陰陽俱自浮汗出身重多
眠鼻息語言難出此已上二證不宜下若與巴豆大
毒丸藥熱證併生重者必死二之氣病宜以桂枝麻
黃湯發汗而已

小滿已上三之氣

三之氣爲病多發熱皆傳足經者多矣太陽陽明少
陽太陰少陰厥陰陽者發熱惡寒頭項痛腰脊強陽
明身熱目疼鼻乾不得卧少陽者胸脇痛耳聾口苦
寒熱往來而嘔此三陽屬熱太陰者腹滿咽乾手足
自溫自利不渴或腹滿時痛少陰者故口燥舌乾而
渴厥陰者腹滿囊縮喘熱悶亂四肢厥冷爪甲青色
三之氣病宜以清涼上溫下養不宜用巴豆丸下之
大暑未上四之氣

四之氣爲病多發暑氣頭痛身熱發渴不宜作熱病
治宜以白虎湯得此病不傳染次發脾泄胃泄大腸

泄小腸泄大瘕泄霍亂吐瀉下痢及赤白相雜水穀不分消腸鳴切痛面浮足腫目黃口乾脹滿氣痞手足無力小兒亦如此四之氣病宜滲泄五苓散之類
秋分酉上五之氣

五之氣為病多發喘息嘔逆欬嗽及婦人寒熱往來瘡癰痺痔消渴中滿小兒斑癩瘡疱五之氣病宜以大小柴胡湯宜解治表裏之類

小雪亥上終之氣

終之氣為病多發風痰風寒濕痺四肢秋收多冬水復旺水濕相搏肺氣又衰冬寒甚故發則收則痿厥弱無以運用水液澄清冷大寒之疾積滯癥塊寒疝血瘕凡氣之疾終之氣病宜破積發汗之類

肝之經足厥陰風乙木

是動則病腰痛不可以俛仰丈夫癘疝婦人少腹腫甚則嗑乾面塵脫色是肝所生病者胸滿嘔逆飧泄狐疝遺溺閉癢為此諸病

膽之經足少陽風甲木

是動則病口苦善大息心脇痛不能轉側甚則面微有塵體無膏澤足外反熱是為陽厥是主骨所生病者頭痛額痛目內眦痛缺盆中腫痛腋下腫馬刀俠

瘦汗出振寒瘧胸脇肋髀膝外至脛絕骨外踝前及諸節皆痛小指次指不用爲此諸病

心之經手少陰暑丁火

是動則病嗑乾心痛渴而欲飲是爲臂厥是主心所生病者目黃脇痛臍臂內後廉痛厥掌中熱痛爲此諸病

小腸經手太陽暑丙火

是動則病嗑痛頰腫不可以顧肩似拔臍似折是主液所生病者耳聾目黃頰腫頸頰肩臍肘臂外後廉痛爲此諸病

脾之經足太陰濕巳土

是動則病舌本強食則嘔胃脘痛腹脹善噫得後與氣則快然如衰身體皆重是主脾所生病者舌本痛體不能動搖食不下煩心心下急痛溏泄水閉黃疸不能卧強立股膝內腫厥足大指不用爲此諸病

胃之經足陽明濕戊土

是動則病灑灑振寒善呻數欠顏黑至則惡人與火聞木聲則惕然而驚心欲動獨閉戶塞牖而處甚則欲上高而歌棄衣而走賁響腹脹是爲胃厥是主血所生病者狂瘡溫淫汗出鼽衄口喎唇胗頸腫喉痺

傷風雜錄 卷之十 十一
大腹水腫膝臏腫痛循膺乳氣衝股伏兔胛外廉足
跗上皆痛中指不用氣盛則身以前皆熱其有餘于
胃則消穀善饑溺色黃氣不足則身以前皆寒悚胃
中寒則脹滿爲此諸病

心包絡手厥陰爲母血

是動則病手心熱臂肘攣急腋腫甚則胸脇支滿心
中憺憺大動面赤目黃喜笑不休是主脉所生病者
煩心心痛掌中熱爲此諸病

三焦經手少陽爲父氣

是動則病耳聾渾渾焯焯嗑腫喉痺是主氣所生病

者汗出目銳皆痛耳後肩臑肘臂外皆痛小指次指
不用爲此諸病

大腸經手陽明燥庚金

是動則病齒痛頸腫是主津液所生病者目黃口乾
鼽衄喉痺肩前臑痛大指次指痛不用氣有餘則當
脉所過者熱腫虛則寒慄不復爲此諸病

肺之經手太陰燥辛金

是動則病肺脹滿膨膈而喘欬缺盆中痛甚則交兩
手而脅此爲臂厥是主肺所生病者欬上氣喘渴煩
心胸滿臑臂內前廉痛厥掌中熱氣盛有餘則有背

痛風寒汗出中風小便數而欠氣虛則肩背痛寒少氣不足以息溺色變爲此諸病

腎之經足少陰寒癸水

是動則病饑不欲食面如漆柴欬唾則有血喝喝坐而欲起目眈眈如無所見心如懸若饑狀氣不足則善恐心惕惕如人將捕之是爲骨厥是主腎所生病者口熱舌乾嗑腫上氣嗑乾及痛煩心心痛黃疸腸澀脊股內後廉痛痿厥嗜卧足下熱而痛爲此諸

是動則病衝頭痛目似脫項如拔脊痛腰似折解不

可以曲脰如結蹠如裂是爲蹠厥是主筋所生病者痔瘡狂癩疾頭顙項痛目黃淚出鼽衄項背腰尻脰蹠脚皆痛小指不用爲此諸病

風治法風淫于內治以辛涼佐以甘草以甘緩之以辛散之

防風通聖散

天麻散

防風湯

祛風湯

小續命湯

消風散

排風湯

暑治法熱淫于內治以鹹寒佐以甘苦以酸收之以苦發之

白虎湯

桂苓湯

玉壺丸

碧玉散

玉露散

石膏湯

濕治法濕滯于內治以苦熱佐以鹹淡以苦燥之以淡泄之

白朮木香散

桂苓白朮丸

五苓散

葶藶木香散

益元散

神助散

火治法火滯于內治以鹹寒佐以甘辛以酸收之以苦發之

涼膈散

解毒丸

神功丸

八正散

調胃散

大小承氣湯

燥治法燥滯于內治以苦溫佐以甘辛以辛潤之以

苦下之

神功丸

麻仁丸

脾約丸

潤體丸

潤腸丸

四生丸

葶藶散

寒治法寒滯于內治以甘熱佐以苦辛以辛散之以苦堅之

薑附湯

四逆湯

二薑湯

朮附湯

大戊巳丸

附子理中湯

六門病證藥方

風門獨治於內者

防風通聖散

防風天麻丸

防風湯

小續命湯

消風散

祛風丸

承氣湯

陷胸湯

神芎丸

大黃丸

備急丹

暑門獨治於外者

白虎湯

桂苓甘露散

化痰王壺丸

益元散

玉露散

石膏散

拔毒散

水澄膏

魚膽丸

金絲膏

生肌散

濕門兼治於內者

五苓散

葶藶木香散

白朮木香散

益元散

大橘皮湯

桂苓白朮丸

神助散

大柴胡湯

小柴胡湯

柴胡飲子

防風通聖散

防風當歸飲子

火門兼治於外者

涼膈散

黃連解毒湯

瀉心湯

神芎丸

八正散

調胃散

調胃承氣湯

桂苓湯

麻黃湯

小建中湯

升麻湯

五積散

燥門先治於內後治於外者

神芎丸

脾約丸

麻仁丸

潤體丸

四生丸

謂寒藥攻其裏大黃蕪牽牛之類

謂熱藥攻其表桂枝麻黃升麻之類

薑附湯

四逆湯

二薑湯

木附湯

寒門先治於外後治於內者

大已寒丸

理中丸

謂熱藥攻其表

謂寒藥攻其裏

內經濕變五泄 六氣屬天無形風暑濕火燥寒

五形濕屬戊巳濕入肺經為實

白木木香

六味屬地有質酸苦甘辛鹹淡

五臟濕屬脾胃濕入大腸為虛

胃泄風濕

夫胃泄者飲食不化完穀出色黃風乘胃也宜化劑之類

脾泄暑濕

夫脾泄者腹脹滿注實則生嘔逆三證宜和劑淡劑甘劑清劑之類

大腸泄燥濕

夫大腸泄者腸鳴切痛先宜寒劑奪之次甘劑分其

陰陽也

小腸泄熱濕

夫小腸泄者溲而便膿血少腹痛宜寒劑奪之淡劑甘劑分之

大瘕泄寒濕

夫裏急後重數至圜而不能便先宜清劑寒劑奪之後以淡劑甘劑分之或莖中痛亦同

金櫃十全之法

飧泄春傷於風夏必飧泄暮食不化亦成飧泄風而飧泄者先宜發劑次宜淡劑甘劑分劑之類

洞泄春傷於風邪氣留連乃為洞泄瀉下褐色治法

同上又宜灸分水穴濕氣在下又宜以苦劑越之

洞泄寒中 洞泄寒中俗呼曰休息痢洞泄屬甲乙

風木可灸氣海水分三里慎勿服峻熱之藥小便澀

則生足腫腹脹滿者死於庚辛之日如屍臭者不治

霍亂 吐瀉水穀不化陰陽錯亂可服淡劑調以水

水令頓服之則愈

注下 火氣太過宜涼劑又宜淡劑調水水令頓服

之則愈此為暴下不止也

腫蠱 三焦閉澀水道不行水滿皮膚身腫否腫宜

越劑發劑奪劑

臌脹 濁氣在上不散可服木香檳榔丸青皮陳皮

屬大腸為濁氣逆肺金為清氣逆氣化則愈矣

腸鳴 燥濕相搏為腸鳴中有濕亦為腸鳴火濕相

攻亦為腸鳴治法同上治之大効

支滿鶩溏 上滿而後泄下泄而後復上滿治法同

上又則反寒治法同寒中如鶩溏而腸寒者亦斯義

風濕亦有支滿者

腸澼 大小便膿血治法同上又宜不二丸地榆散

駐車丸及車前子等藥次宜淡劑甘劑分劑之類

臟毒 下血治法同上又宜苦劑奪劑以苦燥之如

酒毒下血同

大小便血 大小便治法同上血溫身熱者死火之

成數七日而死如屍臭者不治

脫肛 大腸熱甚也用酸漿水煎三五沸稍熱潔洗

三五度次以苦劑堅之則愈

廣腸痛 治法同上又大黃牽牛丸散奪之法燥瀉

亦同痔漏廣腸痛腸風下血皆同臟毒治法

乳痔腸風必肛門左右有核內經曰因而飽食筋脉

橫解腸澼為痔屬大腸經可服枳殼之屬大癖生腸

風乳痔相連

金櫃十全五泄法後論

天之氣一也一之用爲風火燥濕寒暑故濕之氣一之一也相乘而爲五變其化在天爲雨在地爲泥在人爲脾甚則爲泄故風而濕其泄也胃暑而濕其泄也脾燥而濕其泄也大腸熱而濕其泄也小腸寒而濕其泄也大瘕若胃不已變而爲飧泄飧泄不已變而爲洞泄洞泄不已變而爲脾泄寒中此風乘濕之變也若脾泄不已變而爲霍亂霍亂不已變而爲注下注下不已變而爲瘧瘧此暑乘濕之變也若大腸

泄不已變而爲臌脹臌脹不已變而爲腸鳴腸鳴不已變而爲支滿鶩溇此燥濕乘之變也若小腸泄不已變而爲腸澼腸澼不已變而爲臟毒臟毒不已變而爲前後便血此熱乘濕之變也若大瘕泄不已變而爲脫肛脫肛不已變而爲廣腸痛廣腸痛不已變而爲乳痔腸風此寒乘濕之變也凡此二十五變若無濕則終不成疾况脾胃二土共管中州脾好飲脾亦惡濕此泄之所由生也凡下痢之脉微且小者生浮大者死水腫之反是浮大者生沉細者死夫病在裏脉沉在表脉浮裏當下之表當汗之下痢而脉浮

滑水腫者脉沉細表裏俱受病故不治也凡臟血便
血兩手脉俱弦者死絕俱滑大者生血温身熱者死
王大僕則曰若下血而身熱血温是血去而外逸也
血属火故也七日而死者火之成數也夫殮泄得之
於風亦汗可愈或伏驚怖則膽木受邪暴下綠水蓋
謂戊巳見伐於甲木也嬰兒泄綠水素問有嬰兒風
理亦如之洞泄者殮泄之甚但殮泄近於洞泄洞泄
久則寒中温之可也治法曰和之則可也汗之則不
可蓋在腑則易治入臟則難攻洞泄寒中自腑而入
臟宜和解而勿多水腫之作未遽而然也由濕流

於大腸小洩自瀉水湿既瀦腫滿日倍面黃腹大肢
體如泥湿氣周身難專一法越其高而奪其下發其
表而滲其中酸收而辛散淡滲而苦堅用攻劑以救
其甚緩劑以平其餘如是則孤精得氣獨魄反陽亦
可保形陳莖去而淨府潔矣彼豆蔻烏梅罌粟囊勿
驟用也設病形一變必致大悞或通而塞或塞而通
寒塞通通豈限一法世俗止知寒劑之能塞而不知
通劑之能塞者拘於方也凡治湿皆以利小洩為主
諸泄不已宜灸水分穴謂水穀之所別也臍之上
一寸半灸五七壯腹鳴如雷水道行之候也凡湿勿鍼

內經雖云繆刺其處莫若以張長沙治傷寒法治之
 蓋泄者亦四時傷寒之一也仲景曰上涌而下泄表
 汗而裏攻半在表半在裏則宜和解之表裏俱見隨
 證滲泄此雖以治傷寒其於治濕也同仍察脉以視
 深淺問年壯以視虛實所投必如其意矣頃商水縣
 白堤酒監單昭信病殮泄逾年不愈此邑劉繼先命
 子藥之為桂枝麻黃湯數兩一劑而愈因作五泄圖
 撫難素本意書錄于上刊而行之誠有望于後之君
 子戴人張子和述已上之圖校改為篇法

儒門事親卷之十

儒門事親卷之十一

戴人張子和著

新安吳勉學校

風論

論曰人之生也負陰而抱陽人居一氣道在其中矣
 外有八邪之相盪內有喜怒之交侵真氣內弱風邪
 襲之風之傷人或為寒熱或為疼痛或為偏枯或為
 拘攣其候不一風者善行而數變此乃風者百病之
 始萬病之長也蓋內不得通外不得泄此謂之病生
 於變亂也或失音而昏冒或口目而喎斜可用二聖

散吐之或不知人事者或牙關緊急者粥不能下不能嚥者煎三聖散鼻內灌之吐出涎沫口自開也次服無憂散通解丸通聖涼膈人參半夏丸桂苓甘露散消風散熱除濕潤養液之寒藥排而用之切忌雞猪魚兔油膩酒醋蕎麵動風之物及引痰之食

大凡頭風眩運手足麻痺胃脘發痛心酸滿悶按之有聲皆因風風寒濕三氣雜至合而為痺也在上謂之停飲可用獨聖散吐之吐訖後服清上辛涼之藥通聖散加半夏之辛仲景云此痰結胸中而致也

大凡風癰病發項強直視不省人事此及肝經有熱也或有咬牙者先用葶藶苦酒湯吐之吐後可服瀉青丸下之次服加減通聖散顯咬牙證用導赤散治之則愈如病發者可用輕粉白礬礞石代赭石發過米飲調之經云重劑以鎮之

大凡人病雷頭懶于俗呼之謬名也頭痛昏眩皆因浴髮而得之即為首風此因邪風在於胸中熱甚化而為痰風之所致也可以茶調散吐之吐訖次用藏用丸下之後可服烏荆丸若是雷頭者上部多有赤腫結核或面熱無汗經云火鬱發之開導之決之可用錐鍼出血則愈靈樞經云奪血者無汗奪汗者無

血血汗俱蕩豈不妙哉衰老者可用涼膈解毒消風散熱爲治年壯者可以蕩滌積熱大黃牽牛氣血宣通便無壅滯而愈

凡人患目腫經年不瘥俗言頭風所注更加頭痛者豈非頭風者歟此乃足厥陰肝之經手少陰心之經兼五臟俱有大熱也可先用通解丸通利大小便大黃越桃飲子治肝熱者羌活決明散服之大有神効驗矣

凡目有淚出俗言作冷淚者非也內經曰肝液不禁此大熱薰蒸於肝也熱極生風風衝於外火發於內風熱相搏此大淚出也內外皆治可以愈也治外以貝母一枚白膩者加胡椒七枚不犯銅鐵細研臨卧點之治內者去風散熱之劑可用當歸飲子服之陽熱極甚者目睛發痛不可忍者可用四物湯加漢防已草龍膽送下神芎丸五七十九丸利三五行則愈凡人病痰發者其證不一蓋有五焉一曰風痰二曰熱痰三曰濕痰四曰酒痰五曰沫痰諸痰在於膈上使頭目不能清利涕唾稠粘或欬唾喘滿或時發潮熱可用獨聖散吐之次服加減飲子或疏風丸間而服之內經曰所謂流濕潤燥之義也

凡人但冒風邪溫病前三日在表未入於裏其候頭項強痛身熱惡風寒有汗無汗腰痛不得俛仰可用益元散五錢通聖散五錢相合服之名曰雙解散用水一大椀生薑十餘片連鬚葱白五七莖豈豉一撮煎至三五沸去滓先服大半良久以釵子探咽喉中吐出痰涎不可嗽口次又服少半投之如未汗出更用葱醋酸辣湯再投之衣被蓋覆汗出則愈矣氣交變大論云歲火太過炎暑流行火氣太劇肺金受邪上應熒惑大而明現其病熱鬱可用辛涼之劑萬舉萬全夫擾攘之世藥宜辛涼以解火治世人民安靜如用升麻葛根湯敗毒散辛溫之劑亦無加害亦可加葱白鹽豉上而越之表而解之內經曰因其輕而揚之揚者發揚也吐汗之後宜大將息旬日之後不可犯之犯之其病復作也

凡傷寒疫癘一法若無藥之處可用酸薤汁一大椀煎三五沸去菜葉飲訖候少時用釵子咽喉中探吐如此三次再煎葱醋湯投之衣被蓋覆汗出而瘥內經曰醋苦涌泄為陰傷寒三日頭痛身熱病在上宜涌之涌後以淡粥養之

又一法用鳳凰臺散噉於鼻內連嚏二三十次噉藥

時坐于煖室中嚏罷以漿水粥投之衣被蓋之汗出而愈嚏法同吐法用之

一法導引若無藥處用之令人盤兩足而坐以兩手交十指攀頭後風池風府二穴此風之門也向前仰首數至於地如此連折點地一百二十數急以酸醋白湯投之汗出卽解

凡男子婦人小兒手足麻痺肌肉不仁者風寒濕三氣相雜至合爲痺先用黃芩芍藥湯吐之吐訖次用通解丸通經而瀉之瀉訖更用辛甘之劑汗之汗瀉之後可用當歸清涼飲子兼烏荆丸除濕丹和血行

經之藥則愈矣

凡人病痰證發者比前論更多有三證顯證共成五也一曰風痰二曰熱痰三曰濕痰四曰酒痰五曰食痰諸痰在口上焦毒薰於頭者諸陽之會首也故令病人頭重目澁涕唾稠粘或咳嗽喘滿時發寒熱可用赤小豆湯吐之吐後各隨其證而治之可服消風去熱導濕化痰者可服通聖加半夏導氣之劑豈不妙哉如新暴風痰者形寒飲冷熱痰者火盛制金濕痰者停飲不散可服加減連翹飲子除濕丹無憂散亦有酒痰者解毒三聖丸主之五者食痰可用漢防

已丸丹砂選而用之若依法服之決有神効

論火熱二門

凡傷寒中風溫疫時氣冒暑感四時不正之氣若邪毒之氣人或感之始于巨陽受之二日陽明受之三日少陽受之前三日在于表陽也後三日在于裏陰也內經熱論通謂之傷寒熱病者言一身之熱氣也傷寒者外感于寒邪也夫傷寒之寒熱者惡寒爲表熱裏和故惡寒脉浮大也發熱爲裏熱表和故發熱脉滑實也可以吐法而解之用拔雪湯主之生薑葱白豆豉同煎葶藶苦酒湯上而越之若病人脉沉實

者或不大便喘滿譫語不必拘日數急攻于裏可用通解丸胃中渴燥者大承氣湯下之慎不可用銀粉巴豆粉霜杏仁芫花熱性之藥用之必致危殆仲景云調理傷寒者皆在汗下之理當明表裏無不愈矣差之毫釐失之千里深可慎之汗下之後切宜慎口可服淡粥而養之不然其病復作

又論傷寒七八日潮熱腹滿發黃有班者何臟使然內經云手太陰肺經足太陰脾經足陽明胃經手少陰心經此四經受病也仲景云兩寸口脉俱浮滑胸中有痰攻上者可用瓜蒂散吐之吐後隨證調治處

藥發黃之證皆因陽明中風太陽中濕瘀血與宿穀相搏令人發黃煎梔子茵陳蒿湯調加減五苓散服之後利小便快者如皂角色汁此爲効矣發斑者心經受熱故有此證詳斑輕重用藥之理輕者斑紅可用越桃飲子重者斑紫毒氣胃中盛也大青四物湯玄參升麻湯主之漸熱腹滿者謂邪熱在胃中也可以蕩滌邪熱流濕潤燥宜急治之雜病寸口脉沉實者亦在胸中有啓玄子注云上盈不愈者吐而奪之此病乃瘵矣斑黑者危而難治也黃病血病問其小便利與不利也驗又有頭痛數日不止者此乃六陽受病也手之三陽從手走至於頭足之三陽從下走至於上蓋六陽之聚會也久痛不愈者令人喪目以胸膈亦有宿痰故也先以羌活散涌之以川芎石膏散白虎湯選而服之則愈矣

又一法治頭痛不愈者可煎連翹白豆豉湯多服之後吐爲効吐後可服川芎薄荷湯辛涼之劑清上之藥疎風丸散之類仲景云傷寒頭痛脉寸口急而頭痛是也

凡男子有病面黃身熱肌瘦寒熱往來如瘧狀更加涎嗽不止或喘滿面目浮腫者或身體俱熱或有自

汗內經云病名傷寒夾勞之證也治之柰何病在上者其高者因而越之可用防已散吐之吐後切用通解丸一服次服人參黃耆散當歸飲子加減小柴胡湯擇而用之內經謂男女之證皆同類用其治法也依此調治無不取效矣

凡人病心胸痞悶不欲飲食身體壯熱口燥舌乾大小便不利有一工治之說下元虛冷便投煖藥十數服其病不愈又一醫所論與前亦同又投煖藥五七日其證轉加困弱請余治之診脈而說曰審問日數飲食大小便何似小便赤色大便黑色便言傷寒瘀血之證切用大黃芍藥湯二劑次服犀角地黃湯二服後用通經丸一服換過大便黃色以爲効驗此藥服十餘服方可病瘥矣

凡男子婦人所顯證候皮膚發熱肌肉消瘦四肢倦怠兼有頭痛頰赤心忪唇乾舌燥日晡潮熱夜有盜汗涕唾稠粘胸膈不利或時喘嗽五心煩熱睡卧不安飲食減少多思水漿經脈不通病名曰何病奇病論曰女子不月血滯之病也男子腎虛精不足也凡治此證降心火益腎水此之謂也可先用通解丸瀉三二行次服當歸飲子又用加減五苓散木香三稜

凡人參黃芪散犀角散之類詳其虛實選而用之若
咯膿咯血大小便血但亡血者不可宣吐勿服酸辛
熱物薑附之類藥不可不戒慎也若犯諸亡血之證
者不可發汗不可溫補脾胃之藥若服之雖進飲食
不生肌肉此病轉加危篤乃成虛勞之病也

凡醫人不明發表攻裏亂投湯劑有悞性命更大忌
夏月熇炎中脘臍下關元氣海背俞三里等熇炎千
百壯者全無一効使病者反受其殃豈不痛哉虛勞
之疾私嗜肉食麵辛酸之物不可食之但可食者謹
按神農食療而與之涼殺菜水水清涼之物不可

禁也且圖寒涼滑利腸胃使氣血並無壅礙燥澁經
日穀入于胃脉道乃行水入於經其血乃成若不思
慎致令病人胃口閉澁則形體漸瘦此乃死之由也
諸勞皆倣此但諸人咯膿血衄血大小便血者可服
三黃丸黃連解毒丸涼膈散加桔梗當歸大黃芍藥
犀角地黄湯大作劑料時時呷之內經曰所謂邪熱
傷於肝心之病依此調治萬舉萬全矣

凡人年四十以上日久多言以致虛損面色黧黑飲
食無味心胸痞悶四肢倦怠肌體餘熱大小便不利
治之柰何內經曰不可熱補之夫男子腎虛水不足

也凡補虛之劑多用烏附天雄之類豈知腎惡燥也
女子陰虛血不足也凡補虛多以陽劑是以知陽勝
而陰虧也不可用性熱之藥補之空心可服加減八
物丸當歸飲子減桂五苓散煩渴加益元名曰淡滲
散更服通解丸顯仁丸亦可服之大有神効

凡人有臟毒下血何謂也生氣通天論曰邪熱傷肝
因而大飽筋脉橫解腸辟爲痔故膿血者血隨熱行
參差入于腸胃之間乃成瀉血也若身體壯熱則爲
難治身涼者可治也可先調中消血蕩除積血瀉之
三二行瀉後服芍藥黃連丸黃連解毒湯五苓散益
元散各停新汲水調下五七錢甚者取地黃汁半盞
服之則愈矣

凡下利膿血腹痛不止者何也諸痛痒皆屬於心火
也可用通解丸加減瀉之量其虛實用之次用消濕
散加生薑大棗芍藥服之瀉訖又用新水調五苓散
服之

又一法煎燈心湯調下益元散五七錢此病大忌油
膩腥葷熱物

濕熱門

凡吐嘔而瀉病名曰何也內經熱論云此乃轉筋霍

信口事類 卷之十一
亂之證也何氣使然此乃邪氣在于中焦使陰陽二氣不能升降其證心痛而吐吐則先腹痛而瀉心腹俱痛則吐瀉並作使致揮霍之間自然撩亂此證喜寒涼之物可用水水調五苓益元則愈矣大忌熱物轉筋之病治之柰何經曰勞者溫之溫者溫存之意也

又一法生薑湯益元散白朮散禹攻散加承沈冷細細呷之渴未止者頻頻飲之如無米新汲水亦得用之大忌白粥米湯桂附種種之燥藥不可服之服之必死如無藥處可服地漿地漿者掘地作坑注新水于其中攪渾旋旋取澄清者飲三五盞立愈

凡大人小兒暴注水瀉不止內經曰此名暴速注瀉久而不愈者爲涌泄注下此乃火運太過之病也火注暴速故也急宜用新汲水調下甘露飲子五苓散天水散或用井花水煎此藥放冷服之病卽瘥矣不可用御米殼乾薑豆豉聖散子之類縱然瀉止腸胃氣滯不通變爲腹脹此法宜分陰陽利水道乃爲治法之妙也

上古天真論云一陰一陽之謂道故男女有陰陽之質不同則天癸精血之形亦異陰靜而海滿血溢陽

信月事類 卷之十一
動而應合精泄二者通和故能有子易繫辭曰男女
構精萬物化生人稟天地而成形也

風門

凡風中失音悶亂口眼喎斜內經曰風之爲病善行
而數變感則害人有倉卒之變故百病皆生於風也
可用三聖散鼻內灌之吐出涎口自開也如不省人
事牙關緊閉粥藥不能下者用此藥如無此證可三
聖散吐之次服通聖涼膈人參半夏丸桂苓甘露散
等切忌雞豬魚兔酒醋蕎麵動風之物引痰之食吐
痰之法在方論中

凡頭風眩運手足麻痺胃脘發痛心腹滿悶按如水
聲可用獨聖散吐之吐訖可用清上辛涼之藥仲景
曰此寒痰結在胸中而致然也

凡癩病至于呆證者用三聖散吐之於煖室中勿令
透風可以汗下吐三法俱行次服通聖散百餘日則
愈矣

凡雷頭懶于俗呼之謬名也此疾胸中有寒痰由多
沐之所致也可以茶調散吐訖三二升次用神芎丸
下訖三五行然後服愈風餅子則愈矣此雷頭者是
頭上有赤腫結核或如酸棗狀可用銚鍼出血則愈

傷風集 卷之十一
凡赤目經年不愈是謂頭風所注更加頭痛可用獨
聖散吐之次服洗心散八正散之類赤目腫作是足
厥陰肝經有熱用利小便瀉肝經除風熱之寒藥則
愈矣

凡風衝泣下俗呼爲冷淚者謬也內經曰太陽不能
禁固因風衝于外火焚于內風熱相搏由此泣下內
經曰熱則五液皆出熱甚則淚出治之以貝母一枚
白膩者佳胡椒七枚不犯銅鐵研細點之臨卧治法
曰風宜辛散寒宜甘發氣遇寒則凝血得熱則散
凡諸痰在於膈上使頭目不能清利涕唾稠粘或欬

嗽喘滿時發潮熱可用獨聖散吐之次服搜風丸之
類內經曰所謂流濕潤燥之義也

凡冒風時氣溫病傷寒三日已裏頭痛身熱惡寒可
用通聖散益元散各五七錢水一大椀入生薑十餘
片連鬚葱白十餘莖豆豉一撮同煎三五沸去滓先
服多半良久以釵子探於咽中吐了不得嗽口次用
少半投之更用酸辛葱醋湯投之衣被蓋覆汗出則
解夫擾攘之世常與內經歲火太過同法歲火太過
炎暑流行火氣大劇金肺受邪上應熒惑大而明顯
若用辛涼之劑解之萬舉萬全人民安靜則便同水

化可次升麻湯葛根湯敗毒散辛溫之劑解之雖有潮熱亦無加害亦可加豆豉葱白上涌而表汗自出內經曰因其輕而揚之揚者發揚也吐汗所以發寒熱之邪也吐汗之後必大將息旬日之後其邪不傷作也

凡大人小兒風濕寒三氣合而為痺及手足麻痺不仁內經曰榮虛衛實皮膚不仁痺而不知痒痛可用蔚金散吐之次服導水丸輕寒之藥泄之泄訖次以辛溫之劑發散汗出後常服當歸芍藥烏附行經和血之藥則愈矣

凡風蛀牙疼久不愈者用鍼籤巴豆一枚以燈燎之煙盡存性於牙根盤上燻之則愈

凡泄瀉米穀不化日夜無度腹中雷鳴下利完穀可用導水丸禹攻散泄之或病人老弱氣虛可用無憂散泄之再觀病勢強弱候一一可服胃風湯以治其風如不愈者更服桂枝麻黃湯汗之則愈內經曰夫風之中為腸風飧泄啓玄子云風入胃中上薰於胃故食不化而下泄又云暮食不化為飧泄又經云春傷於風夏為飧泄故風宜出汗腸中鳴者風以動之動而有聲慎不可用罌粟豆蔻乾薑太燥之藥病漸

者燥之去其濕則愈病甚者攻之不動反能爲害經
曰其減則漸其加則甚可用五苓散去猪苓加人參
散服之

凡富貴膏粱之家病瘧或間日或頻日發或熱多寒
少或寒多熱少宜大柴胡湯下過三五行次服白虎
湯或玉露散桂苓甘露散之類如不愈者是積熱太
甚以神芎三花神祐丸調胃承氣湯等大作劑料下
之下後以長流水煎五苓散服之或服小柴胡亦可
或先以常山散吐之後服涼膈白虎之類必愈矣大
忌發熱之物猪雞魚兔五辛之物犯之則再發也

凡田野貧寒之家病瘧爲飲食龕糲衣服寒薄勞力
動作不與膏粱同法臨發口可用野夫多効方中溫
脾散治之如不愈服辰砂丹治之必愈矣如喫罷此
藥以長流水煎白虎湯服之不服食熱物爲瘧疾是
傷暑伏熱故也內經曰夏傷於暑秋必病瘧

凡男子婦人骨蒸熱發皮膚枯乾痰唾稠粘四肢疼
痛面赤唇焦盜汗煩燥睡卧不安或時喘嗽飲食無
味困弱無力虛汗黃瘦等證內經曰男子因精不足
女子因血不流而得此證可以茶調散輕瀉訖次以
導水丸禹功散輕瀉三五行後服柴胡飲子桂苓甘

露散犀角散之類大搜風丸白朮丸調中湯木香檳榔丸人參散量虛實選而用之或咯血便血諸亡血者並不宜吐不可不知慎勿服峻熱薑附之藥若服之飲食難進肌肉消減轉加危篤五勞之病今人不明發表攻裏遂悞至此大忌暑月於手腕足踝上著灸以其手足者諸陽之表起于五指之外內經曰諸陽發四肢此穴皆是淺薄之處灸瘡最難痊也及胸穴中腕臍下背俞三里等穴或有灸數百壯者加以燔鍼畧無寸効病人反受苦楚可不思之勞疾多饒所患之物但可食者宜照食療本草而與菠菜葵菜

水涼物慎不可禁且因水穀入胃脉道乃行也若過禁則胃口閉而形體漸瘦而脉大乃死之候也諸勞皆倣此

凡病人虛勞多日無力別無熱證者宜補之可用無比山藥丸則愈矣

凡痔漏腫痛內經曰因而大飽筋脉橫解腸瘕爲痔而不愈變爲漏痔與漏其治同法至真要大論云太陽之勝凝凜且至非時水冰痔瘡取法注云水氣太陽陽火不行此言陽火具水鬱而爲痔又少陰之復瘧疹瘡瘍癰疽瘰疬注云火氣內蒸金氣外拒陽熱

內鬱故為癩疹瘡瘍疹其赤為瘡也熱少則外生癩
 疹熱多則內結癰瘰小腸有熱則中外為痔其熱復
 之變皆病於身後及外側也又靈樞云太陽經虛則
 為痔瘡癩疾蓋水虛則火所乘故也可先用導水丸
 禹功散瀉訖次服枳殼丸木香檳榔丸更以葵羹菠
 菜通利腸胃大忌房室雞魚酒醋辛熱之物

凡富貴之人痰嗽多是厚味所致內經云所謂味厚
 則發熱可服通聖散加半夏以止嗽更服人參半夏
 丸以化痰墜涎止嗽定喘貧賤之人多感風冷寒濕
 內經曰秋傷於濕冬生咳嗽可服寧神散寧肺散加

白木之類若欬極面赤煩冤半晌者此火化乘肺也
 宜詳辨之

凡大人小兒病沙石淋及五種淋澀癃閉并臍腹痛
 益元散主之以長流水調下蓋因熱在膀胱燥其津
 液故俗謂冷淋者天下之通弊也五苓散減桂加益
 元散名曰淡滲散凡兩目昏赤痛者腫不止睛脹芤
 肉結成翳膜速宜用稗草左右鼻竅內彈之出血立
 愈病甚人顙上百會穴攢竹眉間皆可出血則愈矣
 口齩水緊扣衣領不可便噴水候血盡便吐了水蓋
 暴赤腫痛腫乃龍火之疾養成之熱也難經曰目得

血而能視不得已而用之血化淚痛而所出經曰本病相傳先以治其氣急則治其標緩則治其本

又一法兩目赤腫發痛不止用長流水煎鹽湯吐之次服神芎丸四物湯之類經曰暴病暴死皆屬於火也又曰治病有緩急急則治其標緩則治其本標者赤腫也本者火熱也鹽湯鹹寒所以制火兩目赤腫痛不能開者以青金散鼻內噴之嚏之真氣上涌邪氣自出矣

凡大人小兒口瘡唇緊用酸水水洗去白痴臨卧貼趕筵散如不愈貼白霜散必愈矣

凡婦人男子喉閉腫痛不能言者刺兩手大拇指爪甲如韭葉少商井穴也以銚或淺刺去血立愈如不愈以溫血湯口中含漱是以熱導熱之法也

凡頭腫痛癰癤及胸臆胛脇之間或有瘡痂腫核不消及膿水不止可用滄鹽一二兩炒過以長流水一大椀煎之放溫作三五次頓服訖良久於咽喉中以鈹股探引吐之去冷痰三二升次服和血通經之藥內經曰鹹味涌泄為陰銅人記少陽起於目銳眦行耳後下膈助運期門癰癤結核馬刀挾癭足少陽膽經多氣少血之病也

傷門事類 卷之十一
凡瘦袋脹悶養生論云兩山挾水其人多瘦疾土厚水深其人多瘦地勢使然也此可服人參化瘦丹自消瘦藥多用海藻海帶味屬鹹寒

凡背瘡初發便可用葳用凡王燭散大作劑料下臑腑一二十行次用鉗針於腫焮處循紅暈周圍內密刺三層出血盡以溫軟帛拭去血甚者百會委中皆出後用陽起散傳之不可使服十味內托散其中犯官桂更用酒煎男子以並為陽更以熱投熱無乃太熱乎

凡便癰者謬名也乃男子血疝也難素所不載然而足厥陰肝之經絡是血流行之道路也衝脉任脉腎脉亦屬肝經之旁絡也難經曰男子七疝血疝者乃七疝之一也治以導水丸桃仁承氣湯或抵當湯投之同瘀血法聚而不散可以大作劑料大瀉一二十行次以王燭散和血通經之類是也世人多用大黃牡礪間有不愈者是不知和血通經之道也

凡下疳久不愈者俗呼曰臊疳可以導水丸禹功散先瀉肝經訖以木香散傳之日上三兩度後服淡粥一二日止

凡一切惡瘡久不愈者以木香檳榔散貼之則愈矣

傷風事類 卷之十一
凡男子婦人欬逆俗呼曰吃忒乃陰陽不和之故火欲上行爲寒所抑寒不勝火故作凝滯之聲傷寒亦有此證並宜既濟散治之

濕門

凡男子婦人病水濕瀉注不止因服豆蔻烏梅薑附酸熱之劑經曰陽氣耗減於內陰精損削於外三焦閉溢水道不行水滿皮膚身體痞腫面黃腹大小便赤色兩足按之陷而不起內經曰諸濕腫滿皆屬脾土可用獨聖散吐之如時月涼寒宜於燠室不透風處用火一盆藉火力出汗次以導水禹功量病人

實瀉十餘行濕去腫減則愈矣是汗下吐三法俱行
二法行畢臟腑空虛先宜以淡漿粥養腸胃二兩日
次服五苓益元同煎或燈心湯調下亦可如大勢未盡更服神功散可以流濕潤燥分陰陽利水道既平之後宜大將息慎忌油鹽酒果房室等事三年則不復作矣

凡上喘中滿酸心腹脹時時作聲痞氣上下不能宣暢叔和云氣壅三焦不得昌是也可用獨聖散吐之次用導水禹功散輕瀉三四行使上下無礙氣血宣通並無壅滯後服平胃散五苓散益元甘露散分陰

陽利水道之藥則愈矣

凡老人久病大便澀滯不通者可服神功丸麻仁丸時時服葵羹菠菜自然通利也

凡三焦者內經所謂肺消渴等可取生藕汁服則愈

寒門

經口寒瘍流水俗呼為凍瘡因冬月行于冰雪中而得此證或經年不愈者用坡野中淨土曬乾以大蒜研如泥土捏作餅子如大觀錢厚薄量瘡口大小貼之以火艾加干餅上灸之不計壯數以泥乾為度去乾餅子再換濕餅灸不問多少直至瘡痂覺痛癢是

瘡活也然後口含漿水洗漬用雞翎一二十莖縛作刷子於瘡上洗刷淨以此洗刷不致肌肉損傷也以軟帛拭乾次用木香檳榔散傳之如夏月醫之更妙

內傷

凡一切冷食不消宿食不散亦類傷寒身熱惡寒戰慄頭痛腰脊強不可用雙解散止可導飲丸木香檳榔丸五六十丸量虛實加減利五七行所傷冷物宿酒推盡頭痛病自愈矣次以五苓散生薑棗煎用長流水煎取五六錢不可服酒癥丸進食丸此藥皆犯巴豆有大毒故也

凡膏粱之人起居閑逸奉養過度酒食所傷以致中
腕留飲惡悶痞膈醋心可服木香導飲丸治之若田
野蕩蕩之人食疎衣薄動作勞役若酒食所傷心腹
滿悶醋心時時吐酸水可用進食丸以其勝毒也病
甚者每月瀉三五次

凡一切沉積或有水不能食使頭目昏眩不能清利
可茶調散吐之次服七宣丸木香檳榔丸

凡人咳嗽一聲或作悲笑啼泣擡昇重物忽然腰痛
氣刺不能轉側或不能出氣者可用不卧散噴之汗
出痛止

外傷治法

凡一切刃器所傷用風化石灰一斤龍骨四兩二味
爲細末先於端四日採下刺薊菜於端午日五更合
搗和成團子中間穿眼懸於背陰處陰乾搗羅爲末
於瘡上摻貼亦得裏外臙瘡并諸雜瘡皆効

凡犬咬蛇傷不可便貼膏藥及生肌散之類內經云
先治內而後治外可也先當用導水丸禹攻散之類
可瀉驚恐不散毒氣或瀉十餘行卽時痛減腫消然
後可用膏藥生肌散之類傅之則愈矣

凡一切蟲獸所傷及背瘡腫毒杖瘡焮發或透入裏

信州藥譜 卷之十一 三
者可服木香檳榔丸七八十九或至百餘丸生薑湯
下五七行量虛實加減用之內經曰先治內而後治
外是也

凡落馬墜井因而打撲便生心恙是痰涎散於上也
內經曰所謂因氣動而病生於外宜三聖散空心吐
之如本人虛弱瘦瘁可用聖獨散吐之後服安魄之
藥如定志丸之類牛黃人參朱砂之屬

婦人風門

凡婦人頭風眩暈登車乘船眩暈眼澁手麻髮脫健
忘喜怒皆胸中宿痰所致可用芫蒂散吐之次以長

流水煎五苓散大人參半夏丸

凡婦人腰膝痛兩脚麻木惡寒喜暖內經曰風寒濕
合而為痺先用服除濕丹七八十九丸量虛實以意加
減次以禹攻散投之瀉十餘行清冷積水青黃涎沫
為驗後用長流水煎生薑棗同五苓散服之風濕散
而氣血自和也

凡婦人乳癰發痛者亦生于心也俗呼吹妳是也吹
者風也風熱結于乳房之間血脉凝注久而不散潰
腐為膿宜用益元散生薑湯調下冷服或新汲水時
時呷之勿輟晝夜可三五十次自解矣或解毒湯

頓服之

火類門

凡婦人月事沉滯數月不行肌肉漸減內經曰小腸熱已滿移熱於大腸則伏瘕爲沉沉者月事沉滯不行故云伏瘕急宜桃仁承氣湯加當歸大作劑料煎服不過三服立愈後用四物湯補之更宜服宣明中

檳榔丸

凡婦人血崩或年及四十已上或悲哀太甚故然內經曰悲哀太甚則心系急心系急則肺舉而上焦不通熱氣在中故經云血崩下心系者血山也如久不愈則面黃肌熱瘦弱慎不可以熱治之蓋血得熱而散故禁之宜以當歸散等藥治之

凡婦人年五十以上經脈暴下婦人經血終于七七之數數外暴下者此乃內經所謂火主暴速亦因暴喜暴怒憂愁驚恐致然慎勿作冷病治之如下峻熱藥治之必死止宜黃連解毒湯以清上更用蓮殼棕毛灰以滲其下然後用四物湯玄胡索散涼血和經之藥也

凡婦人月事不來室女亦同內經曰謂月事不來皆是胞脈閉也胞脈者屬心而絡于胞中令氣上通於

肺心下不通故月事不來也可用茶調散吐之次用
玉燭散芎藭湯三和湯桂苓白朮散之類降心火益
腎水開胃進食分陰陽利水道之藥皆是也慎勿服
峻熱有毒之藥若服之變成肺痿骨蒸潮熱欬咯
膿嘔血喘滿小大不便寢汗不止漸至形瘦味大雖
遇良醫亦成不救嗚呼人之死者豈命使之然也
凡懷孕婦人病瘧可煎白虎湯小柴胡柴胡飲子等
藥如大便結硬可用大柴胡湯下微利過不可大吐
瀉恐傷其孕也經曰夏傷於暑秋必痲瘧

凡雙身婦人傷寒時氣溫疫頭痛身熱可用升麻散
一兩水半椀大作劑料去滓分作二服先一服吐了
後一服勿吐次以長流水加生薑棗煎五苓散熱以
之汗盡其痛立止

凡婦人雙身大小便不利可用八正散大作劑料去
滑石加葵菜子煎服經曰膀胱不利為癃癃者小便
閉而不通也如八正散加木香取効更捷經曰膀胱
氣化則能出焉然後服五苓散三五服則愈矣
凡婦人身重九月而瘖瘡不言者是胞之絡脉不相
續也故不能言經曰無治也然有是言不若煎玉燭
散二兩水半椀同煎至七分去滓入蜜放溫時時呷

之令大下降肺金自清故聲復出也肺主聲音也
凡婦人難產者皆因燥澁緊斂故產戶不得開通宜
先於降誕之月自月之日用長流水調益元散日三
服產必易產後亦無一切虛熱氣血不和之疾如未
入月則不宜服之以滑石滑胎故也

凡婦人大產後或臍腹腰痛乃敗血惡物之致然也
醫者便作虛冷以燥熱藥治之誤已久矣難經曰諸
痛爲實實者熱也可用導水丸禹功散瀉三五行然
後以玉燭散和血通經降火益水之藥治之獨不可
便服黑神散燥熱之藥當同半產治之

凡婦人產後心風者不可便作風治之宜調胃承氣
湯二兩加當歸半兩細剉用水三四盞同煎去滓分
作二服大下三五行則愈矣如未愈以三聖散吐之
蓋風狂便屬陽

凡婦人產後一二日漸熱口乾可用新汲水調玉燭
散或水調甘露散亦妙勿作虛寒治之

濕門

凡婦人赤白帶下或出白物如脂可服導水丸禹功
散或單用無憂散量虛實加減泄訖服桂苓散五苓
散葶藶木香散同治濕法或用獨聖散上涌亦是室

女白帶下可用茶調散吐之吐訖可服導水丸禹功散瀉之次服葶塵木香散四物湯白朮散之類則愈矣治白帶者同瀉濕法則是也婦人有濁污水不止亦同此法也

寒門

凡婦人年二三十無病而無子經血如常或經血不調者乃陰不升而陽不降此上下不得交通有所滯礙不能爲用故也可用獨聖散通訖寒痰二三升後用導水丸禹功散泄三五行或十餘行單用無憂散泄十餘行是虛寒無熱虛實用之次服葱白粥三五口胃氣宣通腸中得實可服玉燭散更助白朮散茯苓之類降火益水既濟之道當不數月而有孕內經曰婦人有癆痔遺溺嗑乾諸證雖服妙藥針灸亦不能孕蓋衝脉督脉任脉有此病不能孕故也

半產

凡婦人半產俗呼曰小產或三四月或五六箇月皆爲半產以男女成形故也或因憂恐暴怒悲哀太甚或因勞力撲打損傷及觸冒暑熱慎勿用黑神散以其犯熱藥恐轉他疾止宜用玉燭散和經湯之類凡婦人天生無乳者不治或因啼泣暴怒鬱結氣血

閉塞以致乳脉不通用精猪肉清湯調和美味於食
後調益元散五七錢連服三五服更用木梳梳乳房
週迴則乳汁自下也
又一法猪蹄調下益元散連服之
又一法針肩井二穴長驗

小兒風門

凡小兒三五歲或七八歲至十餘歲發驚涎潮搐搦
如拽鋸不省人事目瞪喘急將欲死者內經曰此者
得之在母胎胞之所受悸惕驚駭恐懼之氣故令小
兒輕者爲驚風天吊重者爲癇病風搐胎中積熱者
爲臍風已上諸風證可用吐涎散吐之吐訖宜珠犀
龍麝清涼墜痰之藥其食乳子母皆宜服之安魂定
魄之藥定志丸之類是也故婦人懷孕之月大忌悲
憂驚怖縱得子必有前疾小兒風熱涎嗽者可以通
聖加半夏同煎溫服

凡小兒疳澁眼數日不開皆風熱所致可服涼膈散
瀉肝經風熱鬱甚鬱結散而自開也

凡小兒通身浮腫是風水腫也小便不通者宜利小
便則愈內經曰三焦閉塞水道不利水滿皮膚身體
痞腫是乘之故可用長流水加燈心煎五苓散時時

呷之更於不透風處浴之汗出則腫消一汗減半再汗減七八分三汗消盡內外俱行也

二火類

凡小兒瘡疱癩疹疔瘡丹熨等疾如遇火運勝時熒惑亂行之者不可使用升麻散解之升麻湯味辛性溫內經曰積溫而成熱是謂重火止可以辛涼之劑解之如遇平時可以辛溫蓋平時無事便同水化然而更宜審察病機甚者亦不可以辛溫但發散之後便以涼膈散加當歸及白虎湯玉露散煎服之更甚者解毒湯調胃散下之古人云癩疹瘡疱首尾俱不

可下皆誤矣豈不聞揚湯止沸不如抽薪內經曰五寅五申之歲多發此病者蓋明相火之所爲也又曰少陽客氣勝丹疹外發又曰諸痛痒瘡瘍皆屬心火王太關又謂百端之起皆自心生豈可使用辛溫發散乎致熱勢增劇漸成臟毒下血咬牙發搐大熱明矣如白虎加人參涼膈散加當歸桔梗勿問秋冬但見瘡疹用之神良

凡小兒瘡疱癩疹疔瘡丹熨班毒之後臟毒下血內經曰少陽客氣勝則丹熨瘡疹于外也蓋餘熱不解故臟毒下血治以黃連解毒湯白虎湯涼膈散臨證

選而用之所謂白虎舊說秋冬勿用皆悞也但有此證便用之蓋其證屬相火故也大人亦同

凡小兒丹瘤浮腫毒赤走引遍身者乃邪熱之毒者可用磁片擦出紫血其病立愈如不愈者後用涼膈散加大黃芒硝利三五行爲妙次用拔毒散掃三五度必愈矣經曰丹熛赤瘤火之色也相火主之

凡小兒有赤瘤暴腫可先用牛黃通膈丸瀉之後用陽起石散傅之則腫毒自消如不消可用錐針砭刺血出而愈矣

凡小兒甜瘡久不愈者俗呼爲香瘡是也多在面部兩耳前一法令母口中嚼白米成膏子卧塗之不過三上則愈矣小兒并母皆忌雞猪魚兔酒醋動風發熱之物如治甜指亦同此法

凡小兒面上瘡謂眉煉瘡耳上謂之轍耳足上瘡謂靴癬此三者一究其本皆謬名也經曰諸痛瘡瘍皆屬心火乃血熱劇而致然也或謂內經曰大槩不可使熱以爲皆然此不明造化之道也慎勿妄信可用錐鍼刺之出血一刺不愈當復刺之再刺不愈則三刺必愈矣內經曰血實者決之眉煉不可用藥傅之以其瘡多痒痒則爬矣藥入眼則自必損矣

凡小兒牙疳齒齲者是斷腐爛也下牙屬足陽明胃經濕土上下是
腸之經燥金為主上牙屬足陽明胃經濕土上下是
腸胃二經也或積熱於內或因服銀粉巴豆大毒之
藥入于腸胃乳食不能勝其毒毒氣循經而至干齒
斷牙縫嫩薄之分反內害也可以射香玉線子治之
乳母臨卧常服黃連解毒湯一服牙疳病則愈矣
凡小兒身熱吐瀉腹滿不進飲食可急與牛黃通膈
丸下過四五行則自愈矣蓋乳食便屬水甚則成濕
以治濕法治之用燥熱之藥非也

凡小兒水泄不止可用五苓散與益元散各停用新
水調下三二錢頻服不拘時候若暴速注下甚者
火涼膈通聖等散治之用者勿輕非深於造化者未
易此語

凡小兒大人小便不通內經謂三焦約約者不行也
可用長流水煎八正散時時嚙之大小便利則止若
不因熱藥所攻而致此者易治或因多服熱藥而燥
劇至此者非惟難治不幸天耳亦可用蜜水調益元
散送通膈丸

凡小兒久瀉不止至八九月間變為秋深冷痢泄瀉
者清白時時撮痛乳癖不化可用養脾丸如黍米大

每服二三十丸米飲送下日進三服則愈益黃散亦可用之

凡治小兒之法不可用極寒極熱之藥及峻補峻瀉之劑或誤用巴豆杏仁硫黃膩粉之藥若用此藥反生他病小兒易虛易實腸胃嫩弱不勝其毒若治之用此陰陽利水道最為急用桂苓甘露散之類

儒門事親卷之十一

戴人張子和著

新安吳勉學校

吐劑

三聖散

防風

三兩去蘆

瓜蒂

三兩搏淨碾破以蒂卷定連紙剉細去紙用麤羅子羅過

另放末將滓炒微黃吹入末一處同炒黃用

藜蘆

去苗及心加蘇用之或一兩或

半兩或一分

右各為麤末每服約半兩以蘆汁三茶盞先用二盞煎三五沸去蘆汁次入一盞煎至三沸却將原

二盞同一處熬二沸去滓澄清放溫徐徐服之不
必盡劑以吐為度

苡蒂散

苡蒂

七十箇

赤小豆

七十箇

人參

半兩
去蘆

甘草

半兩或一錢五分

右為細末每服一錢或半錢或二錢量虛實加減
用之空心薑汁調下服之

稀涎散

猪牙皂角

不蛀者去支弦
秤一兩炙用之

碌礬

藜蘆

半兩

右為細末每服半錢或一二錢幹開牙關漿水調

下灌之

蔚金散

蔚金

滑石

川芎

各半兩

右為細末每服一二錢量虛實加減以薑汁調下
空心服之

茶調散

亦一名二仙散

苡蒂不以多少好茶中停

右為細末每服二錢薑汁調下空心用之

獨聖散

苡蒂不以多少

右為細末每服一錢或二錢薑汁調下服之脇痛
加全蝎頭痛加蔚金

碧雲散 治小兒驚風有涎

膽礬

半兩

銅青

一分

粉霜

一錢

輕粉

一分

右研為細末每服一字薄荷湯調下用之如中風
用漿水調服

常山散

常山

二兩

甘草

二兩半

右為細末水煎空心服之

青黛散

猪牙皂角

二箇

玄胡索

一箇

青黛

少許

右為細末鼻內灌之其涎自出

汗劑

防風通聖散

防風

川芎

當歸

芍藥

大黃

薄荷

麻黃

去根不
去節

連翹

芒硝

已上各
半兩

石膏

黃芩

桔梗

已上各
二兩

滑石

三錢

甘草

二兩

荆芥

白朮

山梔子

已上各
一兩

右為麤末每服五七錢水一大盞生薑三片煎至
七分去滓熱服如涎嗽加半夏五錢生薑製過

雙解散

通聖散與益元散相合中停水一鍾生薑豆豉

葱白同煎

浮萍散 治癩風

浮萍兩一 荆芥 川芎 甘草 麻黃去根

已上各一兩或加當歸芍藥

右為麤末每服一兩水二盞煎至七分去滓溫服

汗出則愈

升麻湯

升麻去七 葛根 芍藥 甘草炒 已上各一兩

右為麤末每服三錢水一盞半煎至七分去滓溫

服不拘時候

麻黃湯

麻黃一兩去根 官桂七錢 甘草三錢干炙

杏仁二十二箇去皮尖麩炒黃色用

右為麤末每服三錢水一鍾煎至七分去滓溫服

汗出自解

桂枝湯

桂枝兩一 茯苓兩半 芍藥兩一 甘草七錢

右為麤末每服三錢水一盞生薑棗一同煎溫服

下劑

導水丸

大黃二兩

黃芩二兩

滑石四兩

黑牽牛

四兩另取頭末

甘遂一兩去濕熱腰痛泄水濕腫滿久病

則加

○白芥子一兩去遍身走注疼痛

加○朴硝一兩退熱散腫毒止痛久毒宜加

○郁李仁一兩散結滯通關節潤腸胃行滯

氣通血脉

○樟柳根一兩去腰腿沉重

右為細末滴水丸梧桐子大每服五十九丸或加至百丸臨卧温水下

禹攻散

黑牽牛頭末四兩

茴香一兩

或加木香一兩

右為細末以生薑自然汁調一二錢臨卧服

通經散

陳皮去白

當歸各一兩

甘遂

以麪包不令透水煮百餘翻取出用冷水浸過去麪焙乾

右為細末每服三錢温湯調下臨卧服

神祐丸

神祐丸

卷之十二

五

甘遂

依前製用

大戟

焙浸煮醋乾用

芫花

醋浸煮各半兩

黑牽牛兩一

大黃

乙兩

右為細末滴水丸小豆大每服五七十九丸臨卧温

水下

琥珀丸

右為前神祐丸加琥珀一兩是也

益胃散

甘遂

依前製過用

右為細末每服三錢以豬腰子細批破以鹽椒等物淹透爛切搗藥在內以荷葉裹燒熟温淡酒

調服

大承氣湯

大黃

兩半

厚朴

兩乙

枳實

乙枚

芒硝

半兩

右為麤末每服三五錢水一盞煎至七分去滓服以意加減

小承氣湯

大黃

厚朴

已上各乙兩

枳實

乙枚

右為麤末同煎服

調胃承氣湯

大黃

甘草

炙

朴硝

已上各半兩

右為粗末每服五七錢水一盞煎三五沸去滓溫服食後

桃仁承氣湯

桃仁

乙十二箇 去皮尖

官桂

甘草

芒硝

已上各半兩

右剉如麻豆大每服三五錢水一大盞煎至七分去滓溫服

玉井散

芫荽根

二兩

甘遂

乙兩製用

右為細末以射香湯調下三錢臨臥服

水煮桃紅丸

黑牽牛頭末

兩半

芡蒂末

二錢

雄黃

乙錢水飛過用之

乾胭脂

少許

右以黃水調麵為丸以水煮令浮熟取出冷水拔過射香湯水下

無憂散

黃耆

木通

桑白皮

陳皮

已上各乙兩

胡椒

白朮

木香

各半兩

牽牛頭末

四兩

右為細末每服三五錢以生薑自然汁調下食後

泄水丸

又方葳用丸一料加芒硝半兩 商陸半兩為末水丸依前服之

大戟 芫花 甘遂 海帶 海藻 郁李仁

續隨子 已上各半兩 樟柳根 乙兩

右為細末水煮棗肉為丸如小豆大每服五七十丸水下

牛黃通膈丸

黑牽牛 大黃 木通 已上各半兩各另取末

右為細末水丸如黍粒大量兒大小三五十九或百丸水下

四生丸 一名瀉腸丸

黑牽牛 大黃 朴硝 皂角 去皮豉蜜炙

已上各等分

右為細末水丸如梧桐子大每服七八十丸食後溫水下

內托散

大黃 牡礪 已上各半兩 甘草 三錢 芫薹 二箇

右為末水一大盞煎三五沸去滓露冷服

藏用丸

大黃 黃芩 已上各二兩 滑石 黑牽牛 各四兩

右為末水丸桐子大每服五七十丸食後溫水下
神芎丸

藏用丸一料內加黃連薄荷川芎各半兩水丸
桐子大水下

進食丸

牽牛 乙兩

巴豆 三箇去油心膜

右為末水丸每服二三十丸食後隨所傷物送下

牛黃白朮丸 治腰脚濕

黑牽牛末 大黃 已上各二兩

白朮 乙兩

右為末滴水丸桐子大每服三十丸食前生薑湯
下要利加至百丸

玉燭散

以四物湯承氣湯朴硝各等分水煎去滓食前
服之

三和湯

以四物湯涼膈散當歸各中停水煎服

丁香化癥散 治小兒脾

白丁香 蜜陀僧 舶上硫黃 已上各一錢

礶砂 半錢 輕粉 少許

右研細末每兒一歲服半錢男病女乳調女病男
乳調後用通膈泄

抵當湯

水蛭 十箇

盲虫 十箇去翅足熬

大黃 兩乙

桃仁 七枚去皮尖炒

右劉如麻豆作一服水二盞煎至七分去滓溫服

抵當丸

盲虫 五箇

桃仁 六枚

大黃 三分

水蛭 五箇

右為細末只作一丸水一大盞煮一丸至七分頓服之

十棗湯

紫芫花 醋浸煮

大戟

甘遂

製已上各等分

右為末每服半錢水一盞棗十枚同煎取半盞服

除濕丹

檳榔

甘遂

威靈仙

赤芍藥

澤瀉

葶藶

已上各二兩

乳香

另研

沒藥

另研

已上各一兩

黑牽牛末

半兩

大戟

二兩炒

陳皮

四兩去白

右為細末麵糊和丸如桐子大每服三五十九水

送下

利膈丸

牽牛

四兩生

槐角子

乙兩炒

木香

兩乙

青皮

兩乙

皂角

去皮酥炙

半夏

洗各二兩

右為細末生薑麵糊為丸桐子大每服四五十九

水送下

三一承氣湯

大黃

芒硝

厚朴

去皮

枳實

已上各五兩

甘草

乙兩

右剉如麻豆大每服半兩水一大盞生薑三片煎至六分入硝去滓熱服

大陷胸湯

大黃

乙兩半

芒硝

乙兩八錢半

甘遂末

一字

右為水一盞煮大黃至八分去滓入硝一沸下甘遂末溫服

小陷胸湯

半夏

湯洗乙錢五分

黃連

乙分

芡實

一枚用四分

右剉麻豆大水二盞先煮芡實至一盞半下諸藥取八分去滓溫服末利再服

握宣丸

檳榔

肉桂

乾薑

附子

甘遂

良薑

韭子

巴豆

已上各等分

入硫黃

乙錢

右為細末軟米和丸桐子大早辰先椒湯洗手放溫揩乾用生油少許泥手心男左女右磨令熱握一丸宣一二行

風門

防風通聖散

方在汗門中附

防風天麻散

防風

天麻

川芎

羌活

白芷

草烏頭

荆芥

當歸

焙製

甘草

滑石

白附子

已上各半兩

右為末熱酒化蜜少許調藥半錢加至一錢少時覺藥行微麻為度如作丸煉蜜和彈子大熱酒化下一丸或半丸

防風湯

防風

麻黃

獨活

秦艽

去蘆

黃芩

石膏

當歸

白朮

已上各半兩

右為粗末入半夏片子令攪勻每服四錢水二中盞入生薑七片煎至一盞去滓取清汁六分入射香少許帶熱食後服

祛風丸

川烏

炮去皮臍

草烏

炮

天南星

半夏

薑製

蒸豆粉

甘草

川芎

疆蚕

藿香

芩苓香

地龍

去土

蝎稍

炒已上各乙兩

川薑

半兩

右為細末藥末一兩用蒸豆粉一兩以白麵二兩
滴水丸如桐子大陰乾細嚼茶清下三五丸至
五七丸食後初服三丸以漸加之

排風湯

當歸去芦 杏仁去皮尖 防風去芦 白藓皮

白木 芍藥 官桂去粗皮 川芎 甘草炒各三兩

獨活 麻黃去節 茯苓去皮各三兩

右為粗末每用三錢水一盞半入生薑四片同煎
至八分呷滓温服不拘時候

小續命湯

麻黃去節 人參去芦 黃芩 芍藥 川芎

甘草炙 杏仁湯泡去尖炒 防已 官桂去皮

防風去芦各一兩 附子半兩去皮臍

右除附子杏仁外合搗為粗末後入二味攪勻每
服三錢水一盞半生薑五片煎至一盞去滓少熱
服食後

消風散

川芎 羌活去芦 人參去芦 白茯苓去皮

白疆蚕炒 蟬殼同上已上 陳皮去白

厚朴去粗皮 各乙兩

右為細末每服二錢茶清調下
川芎散

川芎 荆芥

甘菊

薄荷

蟬殼

蔓精子

已上各二兩

甘草

乙兩炙

右為細末茶酒任下三二錢食後服

搜風丸

一名人參半夏丸

人參

茯苓

南星

已上各半兩

半夏

乾生薑

白礬

生

凝水石

已上各一兩

蛤粉

二兩

薄荷

半兩

藿香

右為細末與葳用丸末各中停水丸如薏豆大每

服三十九丸生薑湯送下

富歸川芎散

當歸

川芎

已上各半兩

甘草

二兩

黃芩

四兩

薄荷

乙兩

硝砂仁

一分

右為細末溫水調下一二錢

愈風餅子

川烏

半兩炮烈

川芎

白朮

白芷

防風

細辛

天麻

羌活

荆芥

薄荷

甘草

已上各一兩

右為細末水浸蒸餅為劑捏作餅子每服三五餅

子細嚼茶酒送下不計時候

疎風丸

通聖散一料加天麻羌活
獨活細辛甘菊首烏
各半兩

右為細末煉蜜和丸彈子大朱砂為衣每服一九

細嚼茶酒下

通頂散

石膏 川芎 瓜蒂 已上各等分

藜蘆 少許

右為細末鼻內嚙之

胃風湯

人參 去芦 茯苓 去皮 川芎 官桂 當歸

芍藥 白朮

右件各等分為末每服三錢水一盞入陳粟米煎
空心服之

香芎散

香附子 炒 貫芎 石膏 水飛 白芷 甘草

薄荷 已上各一兩 川烏 半兩炒去皮臍

右為細末每服二錢温酒茶清調下無時

鐵彈丸

地龍去土 防風 白膠香 沒藥 木鱉去皮

草烏頭水浸炮 白芷 五苓脂 當歸

已上各一兩 細墨三錢 射香另研 乳香另研

升麻各二錢

右為末糯粥丸彈子大每服一丸生薑酒下

暑門瘧附

白虎湯

知母乙兩半 去皮 甘草乙兩 糯米合

石膏四兩亂紋者另為末

右剉如麻豆大粳米拌勻另水一盞煎至六分去

滓溫服無時日三四服或眩嘔者加半夏半兩薑

汁製過用之

桂苓甘露散

官桂半兩 人參 藿香 已上各半兩 茯苓

白朮 甘草 葛根 澤瀉 石膏 寒水石

已上各一兩 滑石二兩 木香一分

右為細末每服三錢白湯點下新水或生薑湯亦

用可之

化痰玉壺丸

南星 半夏並生用 天麻已上各半兩

傷風感冒 卷之二

白麵 二兩

右為細末滴水丸如桐子大每服三十丸用水一大盞先煎令沸下藥煮候浮即熱漉出放溫別用生薑湯下不拘時服

益元散

滑石 六兩

甘草 乙兩

右為細末每服三錢蜜調新水送下

玉露散 治暑

寒水石

滑石

石膏

芡蔓根

已上各四兩

甘草 一兩

右為細末每服五錢新水調下

石膏散

石膏 一兩

人參 去芦

甘草 炙各半兩

右為細末新水蜜水調三錢生薑湯亦可

辰砂丹 治瘧

信 一錢

雄黑豆 六十箇或二兩重

右為細末朱砂為衣端午日合不令雞犬婦人見每服一丸無根水下

溫脾丸

信 乙錢

甘草 二錢

紫河車 三錢

豆粉 四兩

雷明書見

卷之二

七

右為末滴水丸每服半錢作十九丸臨卧無根水下
溫脾散

紫河車

菘豆 已上各乙兩

甘草 半兩

砒 乙錢另研

右為細末後入砒研勻每服半錢新水盞調下如
是隔日發直待臨睡服藥如頻日發只夜深服忌
葷酒魚兔等

濕門 嗽附

令散

宮桂

澤瀉

猪苓

去黑皮

茯苓

去皮

白木

各半兩

右為細末每服二錢熱湯或新水調下

葶藶木香散

苦葶藶

茯苓

去皮

猪苓

去皮已上各一分

木香

澤瀉

木通

甘草

各半兩

官桂

滑石

三錢

右為細末每服三錢生薑湯調下食前服

白木木香散

白木

猪苓

澤瀉

赤茯苓

各半兩

木香

檳榔

各三錢

陳皮

一兩去白

官桂

一錢

滑石

三兩

右為細末每服五錢水一盞生薑三片同煎至六分溫服食後

大橘皮湯

橘皮半一兩

木香分一

滑石兩六

檳榔三錢

茯苓一兩

猪苓去黑皮

澤瀉

白木

官桂

已上各半兩

甘草二錢

右為末每服五錢水一盞生薑五片煎至六分去滓溫服食後

神助散

苦苧藤二兩

炒

黑牽牛三兩

半微炒取頭末用之

澤瀉

二兩

猪苓

二兩去皮

椒目

半兩

右為細末每服葱白三莖漿水一盞煎至半盞入酒半盞調藥三錢絕早面東服之

桂苓白朮丸

官桂

茯苓

半夏

已上各一兩

白朮

乾生薑一分

橘皮去白

澤瀉

黃連

各半兩

黃柏二兩

右為末麵糊為丸如小豆大每服三五十九薑湯食後服之

桂苓白朮散

官桂 茯苓 白朮 已上各半兩
甘草 澤瀉 石膏 寒水石 已上各
滑石 二兩

右爲細末熱湯調三錢新水生薑湯亦可食後服
白朮調中湯

白朮 茯苓 橘皮 去白 澤瀉 已上各半兩
甘草 一兩 乾薑 炒 官桂 確砂仁 藿香
已上各一分

右爲末白湯化蜜少許調下二錢無時煉蜜每兩
作十九名曰白朮調中丸

寧神散 治嗽

御米殼 二兩 人參 葶苈 已上各一兩

右爲末入烏梅同煎三五沸去滓稍熱服食後

寧肺散

御米 蜜炒 甘草 乾薑 當歸 白礬

陳皮 已上各一兩

右爲末煎薑汁調三錢

人參補肺散

人參 麻黃 去節 白朮 防已 防風
各等分 桑白皮 倍加

右劉咬咀以漿水一碗煎至半去滓溫服每用半兩各秤過

白朮湯

白朮

甘草

當歸

陳皮

桔梗

枳殼 各等分

右為粗末水煎去滓溫服三五錢

薏苡仁湯

桔梗 乙兩

甘草 二兩

薏苡仁 三兩

右劉如麻豆大每服五錢水煎入糯米為引米軟為度食後服之

益黃散 治小兒痢

陳皮

乙兩

青皮

柯子肉

甘草

已上各半兩

丁香 二錢

右為細末每服二錢水煎食前服之

香連丸

木香

柯子肉 麩炒

黃連

炒已上各半錢

龍骨

右為細末飯丸如黍米大每服二十九米飲湯下

火門

涼膈散

大黃 乙兩

連翹 四兩

甘草

黃芩

薄荷

朴硝

山梔

已上各一兩

右粗末每服三五錢水一盞入蜜竹葉煎三五沸去滓溫服無時

黃連解毒湯

黃連

黃蘗

黃芩

大梔子

已上各等分

右剉為麻豆大每服五錢水二盞煎至八分去滓溫服之

瀉心湯

大黃

甘草 炙

當歸

芍藥

麻黃

荆芥

已上各一兩半

白朮

二錢半

右為細末每服二錢水一盞生薑薄荷少許同煎至七分去滓溫服

八正散

大黃

瞿麥

木通

篇蓄

車前子

甘草

山梔子

已上各一兩

滑石

二兩

加木香一兩尤佳

右為粗末每服三五錢水一盞入燈心煎至七分去滓溫服

調胃散

治傷寒吐逆四肢厥冷

水銀 舶上硫黃 各半兩

右二味先研硫黃極細次入水銀同研至深黑每服一錢病重者二錢溫米飲調服不拘時

三黃丸

大黃 黃芩 黃栢 已上各等分

右為末水丸每服三十九水下

又方去黃芩用黃連

芍藥 藥皮丸

芍藥 白者 黃栢 去皮 各一兩 當歸 黃連

各半兩

右為末水丸桐子大每服三十九水下食前

大金花丸

黃連 黃蘗 黃芩 大黃 各等分

右為末水丸新水下三十九丸加梔子減大黃名梔

子金花丸

清涼飲子

大黃 蒸 赤芍藥 當歸 甘草 炒

已上各等分

右為末每服一二錢水一盞煎至七分去滓溫服食後以意加減

黃連清心湯

涼膈散加黃連半兩是也

犀角散

黃連 大黃 芍藥 犀角 甘草 各等分

右為粗末每服五錢水一盞煎至七分去滓無時

溫服之

黃連木通丸 治心經畜熱夏至則甚

黃連 二兩

木通 半兩

右為末生薑汁打麵糊和丸每服三十丸食後燈

心湯下日三服

燥門

神功丸

大黃 蒸 麩裹

柯子皮

麻子仁 另搗

人參 去

已上各一兩

右為細末入麻子仁搗研勻煉蜜丸如桐子大每

服二十九丸溫水下或酒米飲下食後臨卧如大便

不通加服

脾約丸

麻仁 一兩二錢半

枳實

炒厚朴

去粗皮

芍藥

已上各二兩

大黃

蒸 四兩

杏仁

去皮尖炒黃 乙兩二錢

右為細末煉蜜為丸桐子大每服二十九臨卧温
水送下

麻仁丸

郁里仁

去皮另搗

火麻子仁

另搗

二味各二兩

大黃

生半兩半熟

檳榔

兩半

乾山藥

防風

去芦

枳殼

炒去穰七錢半

羌活

木香

各五錢半

右為細末入另搗者三味攪勻煉蜜丸如桐子大
每服二十九至三十九温水下食後牽牛滑石

潤體丸

郁李仁

大黃

桂心

黑牽牛

當歸

黃蘗

並生用各半兩

輕粉

少許

右為細末滴水丸如桐子大每服三十九至四十
丸温水或生薑湯下

寒門

薑附湯

乾薑

二兩另為粗末

附子

乙兩生用去皮臍細切

右二味攪勻每服三錢水一盞半煎至一盞去滓
温服食前

四逆湯

甘草

三兩

乾薑

半兩

附子

半兩生用去皮臍切片子

右為粗末每服三五錢水一盞半煎至一盞去滓
溫服無時

二薑湯

良薑

乾薑炮

二味各三兩

右為細末酒煮糊為丸桐子大每服三十九空心

米飲湯下

木附湯

黑附子

重乙兩

白木

乙兩半

甘草

七錢半炙

右為細末每服三五錢水一盞半生薑五片棗二
枚劈破同煎至一盞去滓溫服食後

大已寒丸

附子

炮去皮臍

川烏頭

炮去皮臍作豆大再炒黃

乾薑

炮制

良薑

炒

官桂

去粗皮

吳茱萸

已上各二兩

右為細末醋糊為丸桐子大每服五七十九米飲

下食前

理中丸

人參

去苈

白朮

乾薑

甘草

炙

附子

土

皮臍

已上各一兩

右為細末煉蜜為丸每兩作十九彈子大每服一
丸以水一盞化破煎至七分稍熱空心服之

平胃散

厚朴

薑製

陳皮 二味各三兩

蒼朮

五兩

甘草

三兩炒

右為末每服二錢水一盞生薑三片棗二枚煎至七分去滓食前溫服

養脾丸

乾薑

炮

礞砂

各二兩

茯苓

去皮

人參

去

麥蘖

炒

各一兩

白朮

半兩

甘草

炒

乙兩

右為細末煉蜜為丸每兩作八九丸每服一九細嚼生薑湯下

兼治於內者

大柴胡湯

柴胡

四兩

黃芩

赤芍藥

各一兩半

半夏

乙兩二錢半

枳實

二錢半

大黃

乙兩

右為粗末入半夏片子每服三錢水一盞半入生薑五片棗一枚煎至一中盞瀝去滓溫服食後

小柴胡湯

柴胡

四兩去芦

黃芩

人參

半夏

湯洗七次切

甘草

已上各一兩半

右為粗末每服三錢水一盞半生薑五片棗一枚

信月... 劈破同煎至七分去滓温服不拘時候

柴胡飲子

柴胡 人參 黃芩 甘草 大黃 當歸

芍藥 已上各半兩

右為粗末每服三錢水一盞生薑三片煎至七分

去滓温服

防風當歸飲子

柴胡 人參 黃芩 防風 甘草 芍藥

大黃 當歸 滑石 已上各一兩

右為粗末每服三五錢生薑三片水一盞煎至七

分去滓温服不拘時候

白朮湯 治孕婦痢嘔吐血

白朮 黃芩 當歸 各等分

右為末每服二三錢水煎食前服

兼治於外者

桂苓湯 麻黃湯 升麻湯

已上三方在前汗法中附

五積散

蒼朮 二兩 四錢 桔梗 乙兩 四錢 枳殼 麸炒 陳皮 二兩

白芷 各六錢 川芎 當歸 甘草 炙 官桂

雷明... 見

卷之二

三

去粗皮

半夏 湯浸

茯苓 各三錢

麻黃 乙錢去節

厚朴 乾薑 各四錢

右除官桂芷殼別為末外以慢火炒令黃色為末與官桂等攪勻每服三錢水一盞半入生薑五片葱白三寸鹽豉七粒同煎至七分去滓溫服無時

青衿散 治咽疾

益元散加薄荷青黛生蜜丸如彈子大噙化

獨治於內者

陷胸湯

大黃 二兩

芒硝 乙兩八錢半

甘遂 乙字另為末

右以水三盞先煮大黃至一盞去滓下芒硝令沸次下甘遂末放溫服之

大黃丸

大黃 黑牽牛 枳殼 木通 已上各一兩

右為末滴水為丸如桐子大每服三十丸食後以

生薑湯下

備急丸

巴豆 去皮油

大黃 乾薑 炮

已上各一兩

右為細末煉蜜丸桐子大每服三丸溫水下不拘時服之

枳殼丸

商枳殼

乙兩 麩炒

牽牛頭末

四兩

右為細末水丸如桐子大每服三十九丸食前溫酒或生薑湯下

蓮殼散

治血崩

機皮

燒灰

蓮殼

燒灰存性

二味各半兩

香附子

三兩炒

右為末米飲調下三四錢食前

木香檳榔丸

木香

檳榔

青皮

陳皮

廣茂

燒

黃連

麩炒

已上各一兩

黃連

大黃

各三兩

香附子

炒

牽牛

各四兩

右為細末水丸如小豆大每服三十九丸食後生薑湯送下

導飲丸

青皮

陳皮

京三稜

炮

廣茂

炮

黃連

枳殼

麩炒

已上各一兩

大黃

黃蘗

已上

各三兩

香附子

炒

黑牽牛

已上各四兩

右為細末桐子大用水丸每服三五十九丸食後生薑湯下

五香連翹散

丁香 青木香 沉香 熏陸香 麝香
木通 連翹 桑寄生 獨活 升麻 大黃
已上各等分

右為粗末以竹瀝煎五七錢未利加大黃去滓稍熱以利為度

四物湯

川芎 當歸 熟地黃 芍藥 已上各等分

右為粗末每服三四錢水一盞煎三五沸去滓溫空心加草龍膽防已各一醉散治目暴發加蒲黃

治娠婦漏血

當歸散 治血崩

當歸 乙兩 龍骨 二兩炒赤 香附子 三錢
櫻毛灰 五錢

右為末米飲調三四錢空心服

又一方當歸白芍藥香附炒各等分為末米飲湯調下食前服

又當歸散 行經

當歸 杜蒺藜 各等分

右為末米飲湯調服食前

葛根散 解酒毒

甘草 乾葛花 葛根 硝砂仁 貫衆

各等分

右為粗末水煎三五錢去滓服之

定志丸

栝子仁 人參 茯苓 遠志去心 茯神

酸棗仁

右為末酒糊丸小豆大每服五七十九丸生薑湯下

檳榔丸

檳榔乙錢半

陳皮乙兩

木香二錢半

牽牛半兩

右為末醋糊丸桐子大每服三十九丸生薑湯下

小檳榔丸

枳殼 陳皮 牽牛 已上各等分

右為細末水丸食後生薑湯下三四十九丸

瞿麥散 治酒積

甘遂半兩製 瞿麥 葛根 麥蘖已上各乙兩

右為末每服二錢酒調服

治氣積方 香附子為末生薑湯調下三二錢

獨治於外者

青金散

芒硝半錢

青黛半錢

乳香

沒藥

各少許

右為細末鼻內噴之

拔毒散

寒水石不以多少燒令赤

右研為末以新水調雞翎掃痛處

水澄膏

雄黃水飛三錢

黃連半兩

蔚金二錢

黃柏半兩

大黃半兩

黃丹半兩水飛

右為細末量所腫處用藥多少新汲水半盞炒藥在內須更煎沉慢去其渣者水盡然後用槐柳枝

攪藥數百餘轉如麵糊相似勻以小紙花子攤藥塗腫處更以雞翎撩凉水不住掃之

魚膽丸

草龍膽

青鹽

腦子

已上各半兩

黃連

乙兩去鬚

礪砂

南礪砂

射香

鯉魚膽

已上各二錢

右除草龍膽鯉魚膽外同為細末先將草龍膽同微研破以河水三升浸春秋二宿夏一宿冬三宿將浸者病揉極爛用絹袋濾去滓於石器內慢火熬成膏子點於水內不散用指頭捏開有絲乃膏

子成然後入魚膽拌勻將膏和上藥件末作劑丸
如粟米徐徐點可視之

金絲膏

黃丹 代赭石 玄精石 已上各半兩

爐甘石 乙兩 燒 腦子 半錢 黃連 麩仁 去皮

二味各三錢 白丁香 南硼砂二味各一錢

右除硼砂腦子外同為細末以河水一升白砂蜜
三兩同熬三五沸然後入藥末再熬至半茶盞以
上用綿子濾過去滓次入硼砂腦末攪勻定磁器
內放徐徐點眼大有神効

生肌散

黃連 三錢 蜜陀僧 半兩 乾胭脂 二錢 雄黃 乙錢

菘豆粉 二錢 輕粉 乙錢

右為細末以溫漿水洗過用無垢軟帛搵淨藥貼
之大有効矣

赴筵散

五倍子 蜜陀僧 已上各等分

右為細末先入漿水漱過乾貼

麝香玉線子

豆粉 半兩 信 乙錢 枯白礬 乙錢

右三件同研入射香半錢再研為細末滴水和於手背上撚作線如用時先以漿水嗽了口用毛翎了縫中淨臨卧乾貼或為線子住於縫中

化癭丹 治贅

海帶 海藻 海蛤 昆布 已上四味皆焙

澤瀉妙 連翹 已上並各等分 猪鬃

羊鬚 各十枚

右為細末蜜丸如雞頭大臨卧噙化一二丸

通氣丸 同上所治

海藻 海帶 昆布 木通 甘草 已上各

一兩 柯子 薄荷 已上各半兩 杏仁少許

煮浸去皮尖用之

右為細末煉蜜和丸每夜噙化一丸忌酒膩物

又方

海藻 海帶 昆布 澤瀉 木通 猪鬃

羊鬚 各五枚 海蛤 連翹

右為細末研鬚為丸如雞頭大每服一丸臨卧噙

化下効

消毒散 治喉腫

當歸 荆芥 甘草 各等分

備用專科

卷之十二

三十五

右為末水煎三五錢去滓熱嗽之

煮肝散 治雀目

青蛤粉 夜明砂 穀精草 各等分

右為細末每服五七錢猪肝肉者熟細嚼茶清下

枯瘤方

硃砂 粉霜 雄黃 已上各二錢 輕粉

沒藥 乳香 已上各一錢 土黃 二錢

射香 少許

右為細末以津調塗瘤頂外邊歇一菲葉先花紙貼之上以小黃膏貼之

小黃膏

黃柏 黃芩 大黃 已上各等分

右為細末以水調為糊比前藥大一遭三日一易至八九上不取直候可取

剪刀藥

石灰一斤陳年者 龍骨四兩 刺蘼一小束

右為末杵作泥為餅子或為散貼端午日合

木香檳榔散

木香 檳榔 黃連 乳香 輕粉 蜜陀僧 已上各等分

右為細末乾摻之先以口齋漿水洗之

又方加 黃栢 射香

陽起石散

陽起石 燒

右研末新水調塗腫處

鈆白霜散

鈆白霜 乾胭脂 寒水石 已上各等分

腦子 各少許

右為末摻之

雄黃散

雄黃 乳香 沒藥 射香 少許

右為末量瘡大小乾貼

化班湯

紫草 升麻 甘草 炙 各半兩

右剉麻豆大水一盞糯米二十粒煎至一盞去滓

溫服

調治

無比山藥丸

乾山藥 二兩 肉蓯蓉 四兩剉 五味子 六兩

兔絲子 三兩 杜仲 三兩去粗皮炒 牛膝 乙兩

酒浸

酒浸

酒浸

澤瀉乙兩

熟地黃乾乙兩

山茱萸乙兩

茯苓去皮

乙兩 巴戟乙兩 去心

赤石脂乙兩

右為細末煉蜜和丸桐子大每服二三十九食前
溫酒下米飲亦可

當歸丸

當歸 香附子炒

杜蒺藜 芍藥 各等分

右為末酒糊為丸如小豆大每服三五十九米飲

送下

香薷湯

香薷五錢 去土

厚朴五錢 薑製

白藹豆二錢半 生炒

右為末每服三錢水一盞入酒煎去滓溫服

石葦散

石葦去毛

木通 各二兩 當歸 甘草

王不留行 已上各一兩 滑石 白朮

瞿麥 葵子 芍藥 已上各三兩

右為細末每服二錢煎小麥湯調下

妙功丸

京三稜乙兩 炮

川烏四錢 生 去皮

大黃乙兩

已上同為細末好醋半升熬膏不破積水丸

神麴 麥蘖 已上各一兩 乾薑二錢 炒 梨用

巴豆

兩箇去皮油心

半夏

半兩

茴香

乙兩炒香

官桂

牽牛

三兩棟淨

右為細末用膏丸小豆大生薑湯下十九十五丸
溫凉水亦可以意加減以利為度

人參散

石膏

甘草

已上各一兩

滑石

四兩

寒水石

二兩

人參

半兩

右為末每服二錢溫水調下食後

茴香丸

茴香

八兩炒

川練子

炒

川烏

炮去皮

威靈仙

洗去土

防風

去芦

陳皮

已上各三兩

地龍

乙兩去土微炒

烏藥

五兩

赤小豆

八兩

右為末酒糊為丸每服三五丸茶酒下

七宣丸

大黃

濕紙裹煨

枳實

麩炒

木香

柴胡

去芦

柯子皮

各五兩

桃仁

六兩炒去皮尖

甘草

四兩炒

右為末煉蜜和丸如桐子大每服三十九酒下

人參調中湯

沉香

二兩

木香

白豆蔻

乙兩用仁

甘草

乙分

腦子

乙錢

射香

半錢

人參

半兩

右為細末每服半錢用沸湯點服或入生薑鹽少許食後服

烏金散

當歸乙兩

自然銅

金色者煨為末醋熬乙兩

烏金石

鐵炭是也

三兩

大黃

乙兩童子小便浸用

右為末每服二錢紅花酒半盞童子小便半盞同調下食前日二服

沉香降氣湯

沉香

木香

礞砂仁

白豆蔻

仁

青皮

去白

陳皮

去白

廣茂

煨

枳實

趁炒

已上各一兩

蘿白子

另末乙兩

黑牽牛

末二兩

大黃

二兩炒

右為末生薑汁浸蒸餅為丸如桐子大每服三十丸橘皮湯下

枳朮丸

治氣不下降胸膈滿悶

枳實

趁炒

白朮

各半兩

右為細末燒飯為丸如桐子大每服五十丸諸飲送下

儒門事親卷之十二

